

**Delegat Halid Genjac** postavio je dva pitanja:

*Prvo pitanje upućeno Vijeću ministara BiH glasi:*

*„ Šta je Vijeće ministara BiH preduzelo da se imenuje sastav ispostava Ureda za razmatranje žalbi u Mostaru i Banjoj Luci, da se odredi njihova mjesna nadležnost i osiguraju ostali neophodni uslovi za njihov rad?*

*Ko će odgovarati za materijalne štete koje će nastati zbog toga što već sedam mjeseci niko u BiH ne rješava žalbe u predmetima tendera javnih nabavki čija vrijednost prelazi 800.000 KM? “*

Drugo pitanje upućeno Centralnoj izbornoj komisiji BiH glasi:

*„Koji su razlozi da je Centralna izborna komisija BiH odustala od traženog i na besplatno korištenje dodijeljenog prostora u bivšoj kasarni „Safet Zajko“ za potrebe Glavnog centra za brojanje i skladištenje izbornog materijala? Zbog čega je CIKBiH za tu namjenu odabrao prostor koji, prema nalazu tenderske komisije, ne ispunjava uslove tendera a istovremeno će se morati plaćati visoka cijena za njegovo korištenje? Da li je tačno da je CIKBiH odabrao prostor koji je u tenderskoj dokumentaciji prijavljen na adresi na kojoj ne postoji nikakav poslovni prostor?*

*Da li je Centralna izborna komisija BiH pripremila i kada će objaviti tender za nabavku papira za štampanje glasačkih listića? “*